

Katak 1: Maanjabpopo ñan im Kōjjeikiik Kweilōk ko.

Komarōn katakin aolepān katak in ak kōjenolōk e ñan mōttan ko rekadu. Ukukōt katak eo ekkar ñan jekjek ko an jikin eo im aikuj ko, iio ko, im mejeje kōn kūlaaj būreejtōnji eo ak doulul eo aṃ.

IROOJ EJ KARUWAINENEIK KŌJ ÑAN KARŌK MOUR KO AD MAKE

Riit [Katak Im Bujen Ko 88:119](#) Ekkōnono kōn ewi wāween an Irooj katakin kōj “karōk komj make” ej jermal ñan kweilōk ko an kūlaaj būreejtōnji eo ak doulul ko. Ta jet men ko jemaroñ kōmṃmani ñan karōki kweilōk ko ad?

PEPE KO ÑAN KWEILŌK KO REMAROÑ JIPAÑ KŌJ KARŌKE JERBAL EO AN IROOJ.

Jipān doulul eo ak kūlaaj būreejtōnji eo ñan kanne juon [peba in joñak in an juon laajrak in kweilōk](#) ñan maanjabpopo ñan kweilōk eo tok juon an būreejtōnji eo. Innām ekkōnono kōn kajjitōk kein rej elajrak ippān doon:

- Etke eaorōk ñan likūt kajjitōk ko āinwōt kein ilo peba joñak in an juon laajrak in kweilōk?
- Kweilōk ak ṃakūtkūt ta ko jet jemaroñ maanjabpopo ñane ilo wāween in?
- Elmen ad karuwaineneiktok Jetōb Kwojarjar ñan jipan kōj ilo ad kōmṃman pepe im kōjjeikiik Kweilōk ko? (Lale [Moronai 6:9](#); [Katak Im Bujen Ko 46:2](#).)

Komarōn bar karuwaineneik ro uwaan būreejtōnji eo ñan kōpooj juon peba in laajrak in kobban kweilōk ñan kweilōk eo tok juon an doulul ak kūlaaj eo me ej loor laajrak ko eṃōj litok ilo kajjojo katak ilo [Itok, Loor Eō—Ñan Doulul ko an Priesthood eo an Aron im Kūlaaj ko an Doulul eo an Jiroñ ro](#). Karuwaineneik er ñan jōmṃnak kōn aitōm ko me rekar ekkōnono kaki ilo kweilōk eo an būreejtōnji eo aer me rej barāinwōt aikuji ñan ekkōnono kaki ippān ro uwaan doulul eo ak kūlaaj. Ejañne elōñ iien, komaroñ karuwaineneik er ñan kaminene kajjeikiik juon kweilōk ilo aer kōjermal peba in laajrak in kobban kweilōk me rekar kōpooje.

Aolep iien, komaroñ kōṃaan ekkōnono kōn wāween an ro uwaan būreejtōni eo kar eñjake kōn juon kweilōk. Āinwōt mōttanlōk ekkōnono in, komaroñ kajjitōk kajjitōk kein āinwōt kein rej ellaajrak:

- Kweilōk eo ekar ke kōttōbraki ta ko jekar kōṃaan kōttōbraki?
- Ta eo jekar kōmṃman ñan karuwaineneik Jetōb eo ñan kweilōk eo? (Lale [Katak Im Bujen Ko 6:32](#).)
- Jekar kajjeoñ kobaik aolep?
- Ewi wāween ad kōkṃmanṃanilōk?

KEIN JIPAÑ KO REJ RIE

- *Bok in Bōk Mejeje Eṃap: Jermal ko Kabun eo an Jisōs Kraist im Armej ro Rekwōjarjar ilo Raan Ko Āliktata*, [10.4](#), [11.3.4](#), ChurchofJesusChrist.org